

Zeitschrift: Clubnachrichten / Schweizer Alpen-Club Sektion Bern
Herausgeber: Schweizer Alpen-Club Sektion Bern
Band: 58 (1980)
Heft: 12

Rubrik: JO-Magazin

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 12.12.2025

ETH-Bibliothek Zürich, E-Periodica, <https://www.e-periodica.ch>



JO-Magazin

Chlätterlager im Alpstei

27. Septämber bis 4. Oktober 1980

Leiterin: Sonja Brägger

Füerer: Fritz Zumbach

9 Teilnämer

Nach fufmau Umstige symer wie Hüener i ds Landtaxi, wo gäge Brülisau fahrt, inegmoschtet worde. Verschwitzt und uf dr Schnurre hei mer später d'Gmüetlichkeit vo dr Hundsteinhütte (resp. vom Houzschopf) z'mitz im «Aappezöllerland» wüsse z'schätze.

Ds Grächtem isch es am Sunntig losgange: IV. Chrüzbärg Weschtwand. Scho di erschi Seillängi het üser chaute Finger bruucht. Zum Glück hei mer üs gli druf abe bim Gipfurascht a dr Sunne chönne wärme. Us Nächsts hei mer di schmali Südrippe vom III. i ds Oug gfasst. Am Istieg sy üs zwar d'Haar no z'Bärg gstande, aber ou das Güpfi ischt tüpft worde. A däm Abe isch ou für üs i dr Hütte Platz gsy.

Pünktlech am 6.05 hat üs Fritzes Elektroshok gweckt. Nachdäm mer di zwöi kaputte JO-Seil zrugg gla hei, symer du gäge Altmann zottlet. Über d'Oschtkanten uf isch nach lange Zwüschehäut bi de Ständ dr Gipfu erreicht worde. Drum verwunderet's nid, dass nach däm Chrampf zum Znacht d'Spagetti rübis u stübis ufg(fr)asse worde sy. D'Sonja verdient es grosses MERCI für

di guete, chraftspärende Menü, wo si üs zämegstellt het!!

Am nächschte Tag het's spät Fürabe gä: nach enere luftige Chlätterei am Hundstei het üs äbe no dr Fähnligipfu glockt. So gfreore wie-n-am Midwuch hei mer nie. Dr Röle u dr Bradi sy mit em Pijama (under de Chlätterhose natürlech) am Istieg vom VII. u VI. Chrüzbärg gstande! Am Abe het's sibe Rundine bruucht, bis alli Hörnli furtputzt sy gsy. Weder Kampfrichter no offizielli Zytnämer hei derbi gfäut.

Obwou ds Wätter am Morge nid viuversprechend isch gsy, hei mer üs no einisch i d'Chrüzbärg gwaht. Zum Glück hei ersch bim Abseile Rägetropfe üser Helme breicht. Mir sy grad e chli i ds jufler cho, dass es no troche i d'Beiz glängt het. Vo der Bollenwees isch es zwar churz, derfür het's z'grächtem afa briesche, u so hei mer no grad für di nächschti Wuche duschet gha... Am Frytigmorge isch us em länger schlaf nüt worde. Dr Himmu isch unerwartet wulcheloch gsy. Du hei mer's wöue wüsse: d'Südwand vo dr Freiheit isch uf em Programm gstande. Nach emene tönder Ufstieg het üs di letschi Seillängi (nach Wale es vierstärn schmatzi) no z'schaffe gmacht. Bim Abstieg hei ou di letschte bromatverzinke Ersatzchnöischibe us dr J+S Sparpackig müesse dra gloube!

Am nächschte Morge hei mer no einisch die schöne Bärg vom Alpstei chönne gniesse, bevor mer du hei müesse heizue ga.

Für die tip-topi Chlätterwuche weimer-n-is bi üsem Bärgfüerer, em Fritz Zumbach, u bi dr Sonja Brägger, wo das ganze Lager vorbiudlech organisiert u bim Chlättere iri Erfahriga zeigt het, hätzlechtsch bedanke!

Vier Teilnämer

Wir rüsten Sie professionell aus

Unsere Stärken sind:

- Beratung
- Serviceleistungen
- Ein Angebot der besten Sportartikel, die es auf dem Weltmarkt gibt



3000 Bern 7, Zeughausgasse 27

Tel. 031/22 78 62

3011 Bern, Kramgasse 81

Tel. 031/22 76 37